

2010 nr. 91 25. júní**Lög um framkvæmd þjóðaratkvæðagreiðslna**

Tóku gildi 2. júlí 2010. *Breytt með:* L. 162/2010 (tóku gildi 1. jan. 2011), L. 23/2011 (tóku gildi 16. mars 2011), L. 126/2011 (tóku gildi 30. sept. 2011), L. 70/2018 (tóku gildi 1. sept. 2018).

Ef í lögum þessum er getið um ráðherra eða ráðuneyti án þess að málefnavið sé tilgreint sérstaklega eða til þess vísað, er átt við **dómsmálaráðherra** eða **dómsmálaráðuneyti** sem fer með lög þessi.

■ 1. gr.

□ Álykti Alþingi að fram skuli fara almenn og leynileg þjóðaratkvæðagreiðsla um tiltekið málefni eða lagafrumvarp fer um framkvæmdina samkvæmt lögum þessum. Niðurstaða slíkrar atkvæðagreiðslu er ráðgefandi.

□ Lögin gilda einnig um framkvæmd þjóðaratkvæðagreiðslu sem fer fram skv. 3. mgr. 11. gr., 26. gr. og 2. mgr. 79. gr. stjórnarskrárinnar.

■ 2. gr.

□ Um kosningarrétt og kjörskrár til afnota í þjóðaratkvæðagreiðslu skv. 1. gr. fer á sama hátt og við alþingiskosningar. Kjörskrár skulu þó miðaðar við íbúaskrá þjóðskrár þremur vikum fyrir kjördag. [Þjóðskrá Íslands er heimil vinnsla persónuupplýsinga við gerð kjörskrárstofna að fullnægðum heimildum laga sem um persónuvernd og vinnslu persónuupplýsinga gilda hverju sinni.]¹⁾

□ Mörk kjördæma skulu vera hin sömu og í næstliðnum alþingiskosningum.

¹⁾ L. 70/2018, 9. gr.

■ 3. gr.

□ Í þingsályktun skv. 1. mgr. 1. gr. skal, að fenginni umsögn landskjörstjórnar, kveðið á um orðalag og framsetningu þeirrar spurningar sem lögð er fyrir kjósendur.

□ Á kjörseðli skal skýrt koma fram spurning um hvort kjósendi samþykki þá tillögu sem borin er upp og gefnir tveir möguleikar á svari: „Já“ eða „Nei“.

□ Alþingi getur ákveðið að spurningar og svarkostir á kjörseðli í atkvæðagreiðslu skv. 1. mgr. 1. gr. séu fleiri eða orðaðir með öðrum hætti.

□ [Ráðuneytið]¹⁾ ákveður orðalag og framsetningu spurningar á kjörseðli í atkvæðagreiðslu skv. 3. mgr. 11. gr., 26. gr. og 2. mgr. 79. gr. stjórnarskrárinnar.

□ [Ráðherra]²⁾ setur nánari reglur³⁾ um útlit og frágang kjörseðla.

¹⁾ L. 162/2010, 201. gr. ²⁾ L. 126/2011, 531. gr. ³⁾ Rgl. 713/2012.

■ 4. gr.

□ Þjóðaratkvæðagreiðsla skv. 1. mgr. 1. gr. skal fara fram í fyrsta lagi þremur mánuðum og í síðasta lagi einu ári eftir að þingsályktunartillaga hefur verið samþykkt á Alþingi.

□ Þjóðaratkvæðagreiðsla skal fara fram innan tveggja mánaða eftir að krafa Alþingis er samþykkt skv. 3. mgr. 11. gr. stjórnarskrárinnar eða forseti synjar lagafrumvarpi staðfestingar skv. 26. gr. stjórnarskrárinnar.

□ Heimilt er að halda þjóðaratkvæðagreiðslu samkvæmt lögum þessum samhliða kosningum til ...¹⁾ Alþingis eða forsetakjöri. Verði þjóðaratkvæðagreiðsla samhliða kosningum til Alþingis gilda ekki ákvæði 2. málsl. 1. mgr. og 2. mgr. 2. gr.

¹⁾ L. 23/2011, 1. gr.

■ 5. gr.

□ Alþingi ákveður kjördag þjóðaratkvæðagreiðslu skv. 1. mgr. 1. gr. laga þessara og 3. mgr. 11. gr. og 2. mgr. 79. gr. stjórnarskrárinnar innan þeirra tímamarka sem greinir í 4. gr.

[Ráðuneytið]¹⁾ ákveður kjördag þjóðaratkvæðagreiðslu skv. 26. gr. stjórnarskrárinnar.

□ [Ráðuneytið]¹⁾ skal auglýsa atkvæðagreiðsluna einu sinni í Lögbirtingablaði og þrisvar sinnum í Ríkisútvarpi á sem heppilegustum tíma en í síðasta lagi einum mánuði fyrir atkvæðagreiðsluna. Þar skal einnig birta spurninguna sem lögð verður fyrir kjósendur.

¹⁾ L. 162/2010, 201. gr.

■ 6. gr.

□ Alþingi skal standa fyrir viðtækri kynningu á því málefni sem borið er undir þjóðaratkvæði skv. 1. mgr. 1. gr. Forsætisnefnd Alþingis skal setja nánari reglur um fyrirkomulag kynningar.

□ [Ráðuneytið]¹⁾ skal svo fljótt sem verða má og eigi síðar en viku fyrir þjóðaratkvæðagreiðslu skv. 26. gr. stjórnarskrárinnar senda öllum heimilum í landinu sérprentun laganna sem forseti synjaði staðfestingar. Þar skal jafnframt vakinn athygli á því að frumvarpið til laganna og öll skjöl varðandi meðferð þess séu aðgengileg á áberandi stað á vefsíðu Alþingis.

¹⁾ L. 162/2010, 201. gr.

■ 7. gr.

□ Undirkjörstjórnir, yfirkjörstjórnir og landskjörstjórn eru hinar sömu og við alþingiskosningar.

■ 8. gr.

□ [Ráðuneytið]¹⁾ lætur yfirkjörstjórnunum í té kjörseðla sem nota skal við þjóðaratkvæðagreiðsluna. Yfirkjörstjórnir annast framsendingu þeirra til undirkjörstjórna með sama hætti og kjörseðla við alþingiskosningar.

¹⁾ L. 162/2010, 201. gr.

■ 9. gr.

□ [Að þjóðaratkvæðagreiðslu lokinni senda undirkjörstjórnir oddvita yfirkjörstjórnar tafarlaust atkvæðakassana og ónotaða og ónýtt kjörseðla í þeim umbúðum er segir í lögum um kosningar til Alþingis. Á áður auglýstum stað og stund opnar yfirkjörstjórn atkvæðakassana og fer síðan fram talning atkvæða á sama hátt og segir í lögum um kosningar til Alþingis. Um það hvort kjörseðill telst gildur eða ekki og um meðferð ágreiningsseðla fer samkvæmt lögum um kosningar til Alþingis.

□ Landskjörstjórn skipar umboðsmenn í hverju kjördæmi sem hafa það hlutverk að gæta ólíkra sjónarmiða við atkvæðagreiðsluna, talningu atkvæða og úrlausn ágreiningsmála.]¹⁾

¹⁾ L. 23/2011, 2. gr.

■ 10. gr.

□ [Að lokinni talningu atkvæða sendir yfirkjörstjórn landskjörstjórn eftirrit af gerðabók sinni ásamt þeim kjörseðlum sem ágreiningur hefur verið um milli umboðsmanna og yfirkjörstjórnar. Þegar landskjörstjórn hefur fengið í hendur eftirrit gerðabóka allra yfirkjörstjórna og ágreiningsseðla auglýsir hún með hæfilegum fyrirvara hvar og hvenær hún kemur saman til fundar til að úrskurða um gildi ágreiningsseðlanna og lýsa úrslitum þjóðaratkvæðagreiðslunnar til að umboðsmönnum gefist færi á að vera viðstaddir. Að því loknu tilkynnir landskjörstjórn ráðuneytinu um niðurstöður sínar.]¹⁾

□ [Ráðuneytið]²⁾ auglýsir úrslit atkvæðagreiðslunnar í Lögbirtingablaði og Ríkisútvarpi.

□ Verði samþykkis synjað í þjóðaratkvæðagreiðslu skv. 26. gr. stjórnarskrárinnar skal [ráðuneytið]²⁾ auk þess birta sérstaka auglýsingu þess efnis í A-deild Stjórnartíðinda ekki

seinna en tveimur dögum eftir að úrslit atkvæðagreiðslunnar liggja fyrir.

¹⁾ L. 23/2011, 3. gr. ²⁾ L. 162/2010, 201. gr.

■ **11. gr.**

[Til þess að spurning eða tillaga sem er borin upp í þjóð-
aratkvæðagreiðslu teljist samþykkt þarf hún að hafa hlotið
meiri hluta gildra atkvæða í atkvæðagreiðslunni.]¹⁾

¹⁾ L. 23/2011, 4. gr.

■ **12. gr.**

Um atkvæðagreiðsluna sjálfa, undirbúning hennar og at-
kvæðagreiðslu utan kjörstaða og á kjörstað fer að öðru leyti
samkvæmt lögum um kosningar til Alþingis eftir því sem við
á.

Kjörstjórnir nota sömu gerðabækur og við alþingiskosn-
ingar.

Ákvæði 114. gr. og XIX., XX., XXIV. og XXV. kafla laga
um kosningar til Alþingis gilda um atkvæðagreiðslu sam-
kvæmt lögum þessum að svo miklu leyti sem við getur átt.

■ **13. gr.**

[Kætur um ólögmati atkvæðagreiðslunnar, aðrar en
refsikætur, skulu sendar landskjörstjórn til úrlausnar eigi
síðar en tveimur dögum fyrir fund þann sem getið er um í 1.
mgr. 10. gr.

Gallar á kosningu leiða ekki til ógildingar kosninga, nema
ætla megi að þeir hafi haft áhrif á úrslit kosninganna.]¹⁾

¹⁾ L. 23/2011, 5. gr.

■ **14. gr.**

Lög þessi öðlast þegar gildi.